

Obilježavanje

20 godina Instituta za akreditiranje u Bosni i Hercegovini, BATA,

Svjetskog dana akreditacije u BiH, #WAD2022

Promocija prvog Biltena Instituta za akreditiranje BiH, BATA

održano u

Sarajevo, četvrtak , 9.6.2022.

Zgrada Parlamentarne skupštine BiH

Trg BiH, br. 1

- 09:30 – 11:00 Sastanak Savjetodavnog vijeća Instituta za akreditiranje BiH, BATA;
- 11:30 – 11:45 Konferencija za medije, mr.sc. Dražan Primorac, direktor Instituta za akreditiranje Bosne i Hercegovine, BATA;
- 12:00 – 13:00 Obilježavanje 20 godina Instituta za akreditiranje Bosne i Hercegovine, BATA, mr. sc. Dražan Primorac;
- Obilježavanje Svjetskog dana akreditacije u Bosni i Hercegovini (#WAD2022), čija je tema „Akreditacija - Održivost u području privrednog razvoja i okoliša“ koja ima za cilj da skrene pažnju na to kako akreditacija i ocjenjivanje usklađenosti pružaju globalna rješenja za globalne probleme direktno podržavajući ispunjavanje održivih razvojnih ciljeva Ujedinjenih nacija, 6, 7, 8, 9, 11, 13, 14 i 15;
- Promocija prvog Biltena Instituta za akreditiranje Bosne i Hercegovine, BATA-e, Sanja Vidović, pomoćnica direktora za kvalitet
- 13:00 – 14:00 Zakuska

Ove godine Institut za akreditiranje Bosne i Hercegovine, BATA, obilježio je 20 godina produktivnog rada i doprinosa privrednom razvoju, slobodi kretanja roba i infrastrukturi kvaliteta u Bosni i Hercegovini. Tim povodom BATA je organizirala događaj u zgradi Parlamentarne skupštine Bosne i Hercegovine kojem je prisustvovalo 85 osoba, predstavnika izvršne i zakonodavne vlasti sa svih nivoa u Bosni i Hercegovini, članice i članovi Savjetodavnog vijeća Instituta za akreditiranje Bosne i Hercegovine, predstavnice i predstavnici privrednog sektora, akreditiranih tijela, predstavnice i predstavnici medija i uposlenici BATA-e.

Akreditacija u Bosni i Hercegovini svoje početke nalazi još 2000. godine u Institutu za standarde, mjeriteljstvo i intelektualno vlasništvo Bosne i Hercegovine (Zakon o osnivanju „Službeni glasnik BiH“, br. 29/00 i 19/01), u formi odjela za akreditiranje.

Institut za akreditiranje BiH, kao samostalna upravna organizacija za provođenje Sistema akreditiranja Bosne i Hercegovine, osnovan je 2002. godine Zakonom o osnivanju instituta za akreditiranje BiH („Službeni glasnik BiH“, br. 10/02), a na temelju Zakona o akreditiranju BiH („Službeni glasnik BiH“, br. 19/01). BATA je osnovana s ciljem implementacije tehničkog zakonodavstva BiH koje uređuje sigurnost proizvoda i usluga te olakšava slobodu kretanja na tržištu, a koje se usklađuje s pravnim nasljeđem Evropske unije (acquis), konkretno Uredbom 765 Evropske zajednice.

Uspostavljanjem sistema upravljanja započeti su postupci ocjenjivanja s ciljem akreditiranja tijela za ocjenu usklađenosti, a prva akreditacija izdata je u decembru 2001. godine, i to za kalibracionu laboratoriju. U martu

2002. izdata je prva akreditacija za tijelo za certifikaciju proizvoda, a u augustu 2002. godine i prva akreditacija za ispitnu laboratoriju. U Biltenu možete pratiti rast i razvoj BATA-e kroz brojke. Značajan je porast akreditiranih tijela od 2012. godine kada je BATA potpisala bilateralni sporazum s Evropskom akreditacijom (EA BLA) u području kalibracije (ISO/IEC 17025), ispitivanja (ISO/IEC 17025) i inspekcije (ISO/IEC 17020), pa do zadnjeg ocjenjivanja koje smo imali u 2021. tokom kojeg je proširen status EA BLA potpisnika na medicinske laboratorije (ISO 15189) i certifikaciju proizvoda (ISO/IEC 17065).

Kako se otvaralo tržište BiH, tako je rasla i zainteresiranost privrednih subjekata za akreditiranje, što se može pratiti preko statističkih pokazatelja iz 2012., 2016., 2020. i zadnjih koji su uzeti krajem maja 2022. godine. Do kraja 2012. godine BATA je izdala ukupno 37 akreditacija i u to vrijeme je na registru ocjenitelja imala ukupno 63 imenovana ocjenitelja i eksperta u uspostavljenim šemama akreditiranja.

Već u 2016. godini BATA je izdala ukupno 89 akreditacija. Sljedeća godina statističkog praćenja je bila 2020. kada BATA ima već 137 izdatih akreditacija. Do kraja maja 2022. godine BATA je dodijelila 173 certifikata tijelima za ocjenu usklađenosti, konkretno 87 za ispitne laboratorije, 4 za medicinske laboratorije, 11 za kalibracione, 6 za certifikacijska tijela i 65 za inspeksijska tijela, a na registru ocjenitelja ima ukupno 179 imenovanih ocjenitelja i eksperata u uspostavljenim šemama akreditiranja.

U aprilu 2022. godine BATA je status bilateralnog potpisnika zamijenila statusom potpisnika multilateralnog sporazuma s Evropskom akreditacijom (EA MLA) u područjima kalibracije, ispitivanja (uključujući medicinska ispitivanja), inspekcije i certifikacije proizvoda.

Svjetski dan akreditacije 2022 (#WAD2022) u BiH

Akreditacija ima potpuno jasan cilj: preduzećima, krajnjim korisnicima i donositeljima odluka, pružiti garanciju da tijela za ocjenjivanje usklađenosti (TOU), kao što su certifikacijska ili inspeksijska tijela, ispitne, kalibracione ili medicinske laboratorije, posjeduju odgovarajuću tehničku kompetentnost i neovisnost u radu.

BATA svake godine obilježava Svjetski dan akreditacije u Bosni i Hercegovini približavajući i promovirajući zainteresiranim stranama bitnost akreditacije u privrednom razvoju BiH, slobodi kretanja roba i usluga i kvalitetu življenja i rada građana.

I ove godine BATA, obilježavajući 20 godina rada i doprinosa infrastrukturi kvaliteta Bosne i Hercegovine, obilježava Svjetski dan akreditacije (#WAD2022), čija je tema „**Akreditacija - Održivost u području privrednog razvoja i okoliša**“ koja ima za cilj da skrene pažnju na to kako akreditacija i ocjenjivanje usklađenosti pružaju globalna rješenja za globalne probleme direktno podržavajući ispunjavanje održivih razvojnih ciljeva Ujedinjenih nacija 6, 7, 8, 9, 11, 13, 14 i 15.

Mnogo više o BATA-i i akreditaciji i kako doprinosi prosperitetu i kvalitetu življena građanstva u Bosni i Hercegovini, kao i o Svjetskom danu akreditacije 2022 i kako i na koji način BATA doprinosi realizaciji Održivih razvojnih ciljeva u Bosni i Hercegovini, možete čitati u prvom Biltenu Instituta za akreditiranje BiH i u videu ILAC-a i IAF-a: <https://www.youtube.com/watch?v=WmvYvVOX6uk>

